

續修四庫全書

the 1990s, the number of people in the labour force has increased by 1.5 million, while the number of people in the labour force aged 65 and over has increased by 0.5 million.

As a result of the ageing of the population, the number of people in the labour force aged 65 and over has increased from 1.5 million in 1990 to 2.5 million in 2000. The number of people in the labour force aged 65 and over is expected to increase to 3.5 million in 2010.

The number of people in the labour force aged 65 and over is expected to increase to 3.5 million in 2010. The number of people in the labour force aged 65 and over is expected to increase to 3.5 million in 2010.

The number of people in the labour force aged 65 and over is expected to increase to 3.5 million in 2010. The number of people in the labour force aged 65 and over is expected to increase to 3.5 million in 2010.

The number of people in the labour force aged 65 and over is expected to increase to 3.5 million in 2010. The number of people in the labour force aged 65 and over is expected to increase to 3.5 million in 2010.

The number of people in the labour force aged 65 and over is expected to increase to 3.5 million in 2010. The number of people in the labour force aged 65 and over is expected to increase to 3.5 million in 2010.

The number of people in the labour force aged 65 and over is expected to increase to 3.5 million in 2010. The number of people in the labour force aged 65 and over is expected to increase to 3.5 million in 2010.

The number of people in the labour force aged 65 and over is expected to increase to 3.5 million in 2010. The number of people in the labour force aged 65 and over is expected to increase to 3.5 million in 2010.

The number of people in the labour force aged 65 and over is expected to increase to 3.5 million in 2010. The number of people in the labour force aged 65 and over is expected to increase to 3.5 million in 2010.

《續修四庫全書》編纂委員會編

續修四庫全書

上海古籍出版社

2F45/07

七七・經部・詩類

詩古微上編六卷首一卷中編十卷下編三卷〔清〕魏源撰……………一

詩三家義集疏二十八卷首一卷〔清〕王先謙撰……………三七五

詩緯集證四卷〔清〕陳喬樞撰……………七六一


詩 古 微

〔清〕
魏
源
撰

據北京圖書館分館藏清道光刻本影印原書版框高一
七四毫米寬二六二毫米

魏氏源詩古微有初編二刻本年初刻本僅上下
二卷休未定本年有本中者先生序二刻本分上中
下三編凡二十卷有魏氏自序為通光二十二年所刻
久散於兵願不易得今坊間通所者為先儒已自
官都楊氏飛青因刻本仍分上中下三編上編三
卷一奏為清四家異同二奏為詩序集義三奏為
夫子正集及毛詩四始義例中編仍分十卷惟昭道
先奉上編三四五六卷併入下編二奏為詩外傳演
并奏首共為十六卷與道先刻二十卷本大并魏
氏自序有云詩古微上編六卷并奏首一卷通語

今徑大雅中編十卷卷同逐車搜羅下編三卷其
一輯本序其下演并傳凡為卷二十蓋魏氏定本
以此今揚刻本乃顯有并同不知何所據也據魏
序云目以道先本為心揚刻本與序不相應然此
魏氏意未定國三年六月在殿肄覲詩道先刻
本用楊刻本校記標著其并同以此甘肅中記



序

詩古微上編六卷并卷首一卷通語全經大誼中編十卷
答問逐章疑難下編三卷其一輯古序其二演外傳凡為
卷二十詩古微何以名曰所以發揮齊魯韓三家詩之微
言大誼補苴其罅漏張皇其幽渺以豁除毛詩美刺正變
之滯例而揭周公孔子制禮正樂之用心于來世也蓋自
四始之例明而后周公制禮作樂之情得明乎禮樂而后
可以讀雅頌自述熄詩亡之誼明而后夫子春秋繼詩之
誼明乎春秋而后可以讀國風正變之例不破則雅頌
之得所不著而禮樂為無用也美刺之例不破則國風之

詩古微

序

無邪不章而春秋可不作也禮樂者治平防亂自質而文
春秋者撥亂返治由文而返質故詩之道必上明乎禮樂
下明乎春秋而後古聖憂患天下來世之心不絕于天下
學問之道不憤不啟不悱不發不以一隅反三隅則不復
余初治詩于齊魯韓毛之說初無所賓主顧人之既久礙
于此者通于彼勢不得不趨于三家始于礙者卒于通三
家實則一家積久豁然全經一貫朋亡苛祛若膺若告憤
悱啟發之功也舉一反三之功也學問之道固不可淺遇
而可深逢者也雖然詩教止于斯而已乎昔者子夏彈琴
以詠先王之風有人亦樂之無人亦樂之至于發憤忘食

然夫子猶造然變容曰子已見其表未見其裏問其門不入于中安知其與藏之所在乎邱嘗悉心盡志以入其中前有高岸後有深谷填填正立而已不能見其裏此所謂精微者也精微者何吾心之詩也非徒古人之詩也無聲之樂無體之禮無服之喪志氣橫乎天地周乎寢與食息察乎人倫庶物魚川泳而鳥雲飛也郊天假而廟鬼享也不反乎性則情不得其原情不得其原則文不充其物何以達性情於政事融政事於性情乎故派流多則潛泳少矣邇風優則適性微矣徒賓賓然飾精相黨枯朽而曰詩教止斯已乎烏乎以俟假年以俟來哲

詩古微

序

二

道光二十載歲次庚子邵陽魏源敘于揚州絮園

詩古微目錄

卷首 此表揚氏飛青閣刻本同

魯詩傳授攷

齊詩傳授攷

韓詩傳授攷

毛詩傳授攷

上編一 此表揚氏飛青閣刻本同論而夫子之詩論則列入上編三

通論傳詩異同

通論詩樂

上編二 此表揚氏飛青閣刻本同其毛詩傳授攷則列入上編三

詩古微目錄

通論毛詩

通論四始

上編三 此表揚氏飛青閣刻本同其毛詩傳授攷則列入上編二

通論二南

通論王風

通論衛風

通論豳風

上編四 此表揚氏飛青閣刻本同其毛詩傳授攷則列入上編三

通論二雅

上編五

通論二雅

要小雅也王得長微上下要雅也此同王風黃微大雅也

上編六

此大雅也中編九中編十

通論三頌

頌頌而後長微上下音以辨詩長微頌而八音辨長微

中編一

二南答問

中編二

衛風答問

中編三

檜鄭答問

齊風答問

詩古微目錄

卷首上

二

魏唐答問

中編四

秦風答問

陳曹答問

幽王答問

中編五

小雅答問上

中編六

小雅答問下

中編七

大雅答問上

中編八

大雅答問下

中編九

周頌答問

中編十

魯頌答問

商頌答問

下編一

此大雅也中編八上編二

詩序集義

詩古微目錄

卷首上

三

下編二

此大雅也中編八

詩外傳演

古

下編三

此大雅也中編八

詩外傳演

取王夫之詩廣傳

詩古微卷首

邵陽魏源輯

魯詩傳授攷

漢書儒林傳申公名魯人也少與楚元王交俱事齊人浮

邱伯受詩漢興高祖過魯申公以弟子從師入見于魯南

宮呂太后時浮邱伯在長安楚元王遣子郢即郢與申公

俱卒學元王薨郢嗣立為楚王令申公傳太子戊戊不好

學病申公病患及戊立為王胥靡申公相係而申公媿之

歸魯退居家教終身不出門復謝賓客獨王命召之乃往

弟子自遠方至受業者千餘人申公獨以詩經為訓故以

詩古微口說其指不疑者則闕弗傳蘭陵王臧既從受詩

教亡傳為書傳也已通事景帝為太子少傅免去武帝初即位臧適上書宿

衛累遷一歲至郎中令及代趙綰亦嘗受詩申公為御史

大夫綰臧請立明堂以朝諸侯不能就其事適言師申公

于是上使使束帛加璧安車以蒲裏輪駕驪迎申公弟子

二人乘軺傳從至見上上問治亂之事申公時已八十餘

老對曰為治者不在多言願力行何如耳是時上方好文

辭見申公對默然然已招致即以為太中大夫舍魯邸議

明堂事太皇竇太后喜老子言不說儒術得綰臧之過以

讓上曰此欲復為新垣平也上因廢明堂事下綰臧吏皆

自殺申公亦病免歸數年卒弟子為博士十餘人孔安國

至臨淮太守周霸膠西內史夏寬城陽內史陽魯賜東海

太守蘭陵繆生長沙內史徐偃膠西中尉鄒人關門慶忌

膠東內史其治官民皆有廉節稱其學官弟子行雖不備

而至于大夫郎掌故以百數申公卒以詩春秋授而瑕邱

江公盡能傳之徒眾最盛及魯許生免中邑徐公皆守學

教授韋賢字長孺魯治詩事大江公及許生又治禮至丞

相傳子元成字少翁以淮陽中尉論石渠後亦至丞相元

成及兄子賞以詩授哀帝至大司馬車騎將軍自有傳由

是魯詩有韋氏學

詩古微卷首 魯詩傳授攷 二

王式字翁思東平新桃人也事免中徐公及許生式為昌

邑王師昭帝崩昌邑王嗣立以行淫亂廢昌邑羣臣皆下

獄誅唯中尉王吉郎中令龔遂以數諫減死論式繫獄當

死治事使者責問曰師何以亡諫書式對曰臣以詩三百

五篇朝夕授王至于忠臣孝子之篇未嘗不為王反復誦

之也至于危亡失道之君未嘗不流涕為王深陳之也臣

以三百五篇諫是以亡諫書使者以聞亦得減死論歸家

不教授山陽張長安幼君先事式後東平唐長賓沛褚少

孫亦來事式問經數篇式謝曰聞之于師具是矣自潤色

之不肯復授唐生褚生應博士弟子選詣博士攜衣登堂

頌讀為禮甚嚴。試誦說有法。疑者邱蓋不言。邱孔子諱微也。諸博士驚問何師。對曰事式。皆素聞其賢共薦式。詔訓也。

除下為博士。式徵來衣博士衣而不冠。曰刑餘之人。何宜復充禮官。既至止舍中。會諸大夫博士共持酒肉勞式。皆

注意高仰之。博士江公世為魯詩宗。至江公著孝經說。心

嫉式。謂歌吹諸生曰。歌驪駒。式曰。聞之于師。客歌驪駒。主

人歌客毋庸歸。今日諸君為主人。日尚早。未可也。江翁曰。

經何以言之。式曰。在曲禮。江翁曰。何狗曲也。式恥之。陽醉

湯墜。湯墜也。陸古地字。式客罷。讓諸生曰。我本不欲來。諸生疆勸

我。竟為豎子所辱。遂謝病免歸。終于家。張生唐生褚生皆

為博士。張生論石渠至淮陽中尉。唐生楚太傅。由是魯詩

有張唐褚氏之學。張生兄子游卿為諫大夫。以詩授元帝。

其門人琅邪王扶為泗水中尉。陳留許晏。字偉。為博士。由是張家有許氏學。初薛廣德。字長卿。沛郡人。亦事王氏。以博士

論石渠授廣德。廣德至御史大夫舍。泰山太守皆有傳。按薛廣德傳以魯詩教授。楚國龔勝舍師事焉。為字君儒。雅有儒

少時嘗與魯穆生白生。魯穆生人。申公俱受詩于浮邱伯。秦時儒生。

伯者孫卿門人也。孫卿姓荀名况。為楚蘭陵令。及秦焚書。各別去。漢六

年立交為楚王。元王既至楚。以穆生白生申公為中大夫。

高后時。浮邱伯在長安。元王遣子郢客與申公俱卒業。文

帝時。聞申公為詩最精。以為博士。元王好詩。諸子皆讀詩。

申公始為詩傳。號魯詩。元王亦次之。詩傳號曰元王詩。世

或有之。元王立二十三年薨。郢客嗣。是為夷王。申公為博

士。失官。隨郢客歸。復以為中大夫。初元王敬禮申公等。穆

生不啻酒。元王每置酒。常為穆生設醴。及夷王子戊即位。

常設後忘設焉。穆生退曰。可以逝矣。醴酒不設。王之意怠

不去。楚人將錯我于市。稱疾臥。申公白生強起之。曰。獨不

念先王之德與。今王一旦失小禮。何以至此。穆生曰。易稱

知幾其神乎。幾者動之微。吉凶之先見者也。先王之所以

禮吾三人者。為道之存故也。今而忽之。是忘道也。遂謝病

去。申公白生獨留。王戊稍淫暴。二人諫不聽。胥靡之衣之

赭衣。使杵臼雅春于市。

元王孫辟疆。字少卿。亦好讀詩。能屬文。常以書自娛。不肯

仕。子德為宗正。孫向字子政。通達能屬文。辭明經有行。嘗

上封事。宏恭石顯怨之。成帝即位。詔向領校中五經秘書。

向為洪範五行傳十一篇。為王氏發也。上知其忠。不能用。

又諫昌陵制度泰奢。又累以災異譏刺王氏。及在位大臣。

又爲列女傳八篇新序說苑五十篇官中壘校尉長子伋以易教授官郡守少子歆最知名

後漢書卓茂傳茂字子康南陽宛人事博士江公習詩禮究極師法稱爲通儒光武時爲太傅封褒德侯

後漢獨行傳李業字巨游廣德梓潼人少有志操習魯詩事博士許晃元始初除郎王莽居攝去官公孫述徵之不屈死光武表其閭

後漢魯恭傳恭字仲康扶風平陵人與弟丕入太學習魯詩閉戶誦絕人間事兄弟俱爲諸儒所稱爲魯詩博士由是家法學者日盛後歷官司徒

詩古微

卷首 魯詩傳授攷

五

不字叔陵兼通五經以魯詩尙書教授爲當世名儒關東號曰五經復與魯叔陵和帝因朝會召見諸儒丕與侍中賈逵尙書令黃香相難數事帝善丕說

後漢儒林傳高詡字季回平原般人也曾祖父嘉以魯詩授元帝仕至上谷太守父容少傳家學哀平間爲光祿大夫詡以父任爲郎中世傳魯詩以信行清操知名王莽篡位父子稱盲逃不仕莽世光武即位大司空宋宏薦詡徵爲郎除符離長去官後徵爲博士建武十一年拜大司農在朝以方正稱

包咸字子良會稽曲阿人少爲諸生師事博士右師細君

習魯詩

魏應字君伯任城人少好學習魯詩閉門誦習不交僚黨

舉明經除濟陰王文學以疾免官教授山澤中徒眾常數百人建初中入授千乘王伉應經明行修弟子自遠方至著錄數千人時會京師諸儒于白虎觀講論五經同異使應專掌難問侍中淳于恭奏之帝親臨稱制如石渠故事明年出爲上黨太守徵拜騎都尉卒于官

後漢方術樊英傳注李昺字子然鄆人篤行好學習魯詩公車徵不就

後漢獨行傳陳重字景公豫章宜春人少與郡人雷義陽詩古微

卷首 魯詩傳授攷

六

人爲友俱學魯詩官侍御史案義字仲公官南頓令後漢胡廣傳注李咸字元卓汝南西平人學魯詩官太尉蔡邕集蔡朗陳留人以魯詩教授生徒雲集爲瑯琊王太傅

隸釋司隸校尉魯峻碑峻字仲嚴山陽昌邑人治魯詩兼通服氏春秋

執金吾丞武榮碑榮字含和治魯詩韋君章句

齊詩傳授攷

漢書儒林傳轅固齊人也以治詩孝景時爲博士竇太后好老子書召問固固曰此家人言耳太后怒曰安得司空

城旦書乎。迺使固入圜擊箠。上知太后怒而固直言無罪。迺假固利兵。下圜刺箠。正中其心。箠應手而倒。太后默然。亡以復罪。後上以固廉直。拜爲清河太傅。疾免。武帝卽位。已九十餘矣。復以賢良與公孫宏同徵。宏仄目事固。固曰。公孫子務正學。以言無曲學。以阿世。諸齊以詩顯貴。皆固之弟子也。昌邑太傅夏侯始昌最明。自有傳。

后蒼字近君。東海郟人也。事夏侯始昌。始昌通五經。蒼亦通詩禮。爲博士。至少府。授翼奉。蕭望之。匡衡奉爲諫大夫。望之前將軍。衡丞相。皆有傳。衡授琅邪師丹。伏理旂君。潁川滿昌君都。君都爲詹事。理高密太傅家。世傳業。丹大司

詩古微

卷首 齊詩傳授攷

七

空自有傳。由是齊詩有翼匡師伏之學。滿昌授九江張邯。琅邪皮容。皆至大官。徒眾尤盛。

漢書夏侯始昌傳。始昌魯人。通五經。以齊詩尙書教授。自董仲舒韓嬰死後。武帝得始昌。甚重之。始昌明陰陽。爲昌邑王太傅。

漢書翼奉傳。奉字少君。東海下邳人。治齊詩。與蕭望之。匡衡同師。好律歷陰陽之占。待詔宦者署。嘗奏封事。言易有陰陽詩有五際。春秋有災異。皆列終始。推得失。考天心。以言王道之安危。應劭曰。五際。君臣父子夫婦兄弟朋友也。孟康曰。詩內傳曰。五際。卯酉午戌亥也。陰陽終始際會之歲也。此則有變改之政也。後爲諫大夫。子孫皆以學在儒官。

漢書蕭望之傳。望之字長倩。東海蘭陵人。好學。治齊詩。事同縣后蒼。且十年。以令詣太常受業。復事同學博士白奇。又從夏侯勝問論語禮服。京師諸儒稱述焉。後以論語禮服授皇太子。爲前將軍。輔元帝。忤宏恭石。顯下吏自殺。漢書匡衡傳。衡字稚圭。東海承人。家貧好學。精力過絕人。諸儒爲之語曰。毋說詩。匡鼎來也。鼎方匡說詩。解人頤。蕭望之奏。衡經學精習。說有師道。可觀覽。宣帝不甚用儒。遣歸之。元帝卽位。爲給事中。子咸亦明經。歷位九卿。家世多爲博士者。

漢書師丹傳。丹字仲公。琅邪東武人也。治詩。事匡衡。舉孝廉。爲郎。後爲大司空。哀帝時。書數十上。多切直之言。議定

詩古微

卷首 齊詩傳授攷

八

陶共王廟。不合上意。以事策免。

漢書藝文志。齊孫氏故二十七卷。傳二十八卷。

後漢馬援傳。援字文淵。扶風茂陵人。嘗受齊詩。意不能守。章句。東觀記曰。師伏波將軍。封新息侯。

後漢伏湛傳。湛字惠公。瑯琊東武人。九世祖勝。字子賤。所謂濟南伏生者也。父理。當世名儒。以詩授成帝。別自名學。湛少傳父業。教授數百人。成帝時。以父任。博士弟子。建武三年。代鄧禹爲大司徒。帝將親征彭寵。湛諫曰。臣聞文王受命而征伐五國。謂大夷密須。耆邾崇也。必先詢之同姓。然後謀之。

臺臣加占著龜以定行事其詩曰帝謂文王詢爾仇方同爾兄弟以爾鈎援與爾臨衝以伐崇墉崇國城守先退後攻所以重人命俟時而動陛下受命四年而滅檀鄉制五校降銅馬破赤眉誅鄧奉之屬不爲無功今京師空匱資用不足而先事邊外捨近務遠百姓恐懼誠臣之所惑也後坐事策免元孫無忌傳家學永和中和與議郎黃景校定中書五經諸子百家藝術

後漢儒林傳伏恭字叔齊瑯琊東武人司徒湛之兄子也湛弟黯字稚文以明齊詩改定章句作解說九篇位至光祿勳無子以恭爲後恭性孝事所繼母甚謹少傳黯學以詩古微

卷首 齊詩傳授攷

九

任爲郎建武四年除劇令視事十三年以惠政公廉聞青州舉爲尤異太常試經第一拜博士遷常山太守敦修學校教授不輟由是北州多爲伏氏學永平二年代梁松爲太僕四年帝臨辟雍于行禮中拜恭爲司空儒者以爲榮初父黯章句繁多恭適省減浮辭定爲二十萬言在位九年以病乞骸骨罷詔賜千石奉以終其身十五年行幸瑯琊引遇如三公儀建初二年冬肅宗行饗禮以恭爲三老年九十元和元年卒賜葬顯節陵下子壽官至東郡太守任末字叔本蜀郡繁人也少習齊詩遊京師教授十餘年友人董奉德于洛陽病亡末迺躬推鹿車載奉德喪致其

墓所由是知名爲郡功曹辭以病免後奔師喪于道物故臨命救兄子造曰必致我尸于師門使死而有知魂靈不慙如其無知得土而已造從之

景鸞字漢伯廣漢梓潼人也少隨師學經涉七州之地能理齊詩施氏易兼受河洛圖緯作易說及詩解文句兼取河洛以類相從名爲交集又撰禮內外記號曰禮略又鈔風角雜書列其占驗作興道一篇及作月令章句凡所著述五十餘萬言數上書陳救災變之術州郡辟命不就以壽終

後漢陳實傳陳紀字元方潁川許人位大鴻臚以爲學詩古微

卷首 韓詩傳授攷

十

韓詩傳授攷

漢書儒林傳韓嬰燕人也孝文時爲博士景帝時至常山太傅嬰推詩人之意而作內外傳數萬言其語頗與齊魯間殊然歸一也淮南貢生受之燕趙間言詩者由韓生韓生亦以易授人推易意而爲之傳燕趙間好詩故其易微唯韓氏自傳之武帝時嬰嘗與董仲舒論于上前其人精悍處事分明仲舒不能難也後其孫商爲博士孝宣時孫郡韓生其後也以易徵待詔殿中曰所受易卽先太傅所傳也嘗受韓詩不如韓氏易深太傅故專傳之司隸校尉

蓋寬饒本受易于孟喜見豚韓生說易而好之即更從受焉

趙子河內人也事燕韓生授同郡蔡誼誼至丞相自有傳誼授同郡食子公與王吉吉爲昌邑中尉自有傳食生爲博士授泰山栗豐吉授淄川長孫順順爲博士豐部刺史由是韓詩有王食長孫之學豐授山陽張就順授東海髮福皆至大官徒眾尤盛髮一作段

後漢儒林傳薛漢字公子淮陽人也世習韓詩父子以章句著名漢少傳父業尤善說災異讖緯教授常數百人建武初爲博士受詔校定圖讖當世言詩者推漢爲長永平

詩古微

卷首 韓詩傳授次

士

中爲千乘太守政有異迹後坐楚事辭相連下獄死弟子健爲杜撫會稽澹臺敬伯鉅鹿韓伯高最知名

杜撫字叔和健爲武陽人也少有高才受業于薛漢定韓詩章句後歸鄉里教授沈靜樂道舉動必以禮弟子千餘人後爲驃騎將軍東平王蒼所辟及蒼就國掾史悉補王官屬未滿歲皆自劾歸時撫爲大夫不忍去蒼聞賜車馬財物遣之辟太尉府建初中爲公車令數月卒官其所作詩題約義通學者傳之曰杜君注云

召馴字伯春九江壽春人也曾祖信臣元帝時爲少府父建武中爲卷令倨儻不拘小節馴少習韓詩博通書傳以

志義學聞鄉里號之曰德行恂恂召伯春累仕州郡辟司徒府建初元年稍遷騎都尉侍講肅宗拜左中郎將入授諸王帝嘉其義學恩寵甚崇出拜陳留太守賜刀劍錢物元和二年入爲河南尹章和二年代任隗爲光祿勳卒于官賜冢塋陪園陵孫休位至青州刺史

楊仁字文義巴郡閬中人也建武中詣師學習韓詩數年歸靜居教授仕郡爲功曹舉孝廉除郎太常上仁經中博士仁自以年未五十不應舊科上府議選顯宗特詔補北宮衛士令引見問當世政迹仁對以寬和任賢抑黜驕威爲先又上便宜十二事皆當世急務帝嘉之賜以兼錢及

詩古微

卷首 韓詩傳授次

士

帝崩時諸馬貴盛各爭欲入宮仁被甲持戟嚴勒門衛莫敢輕進者肅宗既立諸馬共譖仁刻峻帝知其忠愈善之拜什加令寬惠爲政勸課掾史弟子悉令就學其有通明經術者顯之右署或貢之朝由是義學大興懇田千餘頃行兄喪去官後辟司徒桓虞府掾有朱章者貪奢不法仁終不與交言同席時人畏其節後爲閬中令卒于官

趙華字長君會稽山陰人也少嘗爲縣吏奉檄迎督郵華恥于廝役遂棄車馬去到健爲資中詣杜撫受韓詩究竟其術積二十年絕問不還家爲發喪制服華卒業迴歸州召補從事不就舉有道卒于家華著吳越春秋詩細歷神

淵蔡邕至會稽讀詩細而歎息以爲長于論衡邕還京師傳之學者咸誦習焉時山陽張匡字文通亦習韓詩作章句後舉有道博士徵不就卒于家

後漢馬援傳援同郡朱勃字叔陽年十二能誦詩書續漢書曰勃能說衣方領能矩步辭言嫺雅援裁知書見之自失以雲陽令上書訟援爵土不傳書奏歸田里

後漢鄧暉傳暉字君章汝南西平人光武令授皇太子韓詩爲上東門城侯尉

後漢劉寬傳寬字文饒宏農華陰人每行縣止息亭輒輒引學官祭酒及處士諸生執經對解靈帝初侍講華光殿詩古微

卷首 韓詩傳授攷

三

帝頗好學每令寬講經光和三三年爲太尉謝承書曰尤明韓詩外傳後漢廉范傳范字叔度京兆杜陵人詣京師受業事博士薛漢爲蜀郡太守漢坐楚事辭相連下獄死故人門生莫敢視范獨往收斂之

後漢周燮傳後南陽馮良字君郎奉檄迎督郵乃遁至犍爲從杜撫學積十許年乃還徵辟不就

後漢李恂傳恂字叔英安定臨涇人少習韓詩教授諸生常數百人拜武威太守

後漢文苑傳夏恭字敬公梁國蒙人習韓詩講授門徒常千餘人仕泰山都尉儒者諡爲宣明君夏牙恭之子少習

家業舉孝廉儒者諡爲文德先生

後漢鄭元傳元字康成北海高密人從東郡張恭祖受韓詩徵大司農

後漢梁商傳商字伯夏安定烏氏人徙茂陵以外戚爲大將軍東觀漢紀商少持韓詩京師翕然稱爲良輔

後漢方術傳上廖扶字文起汝南平輿人與李恂皆習韓詩教授數百人父爲北地太守永初中坐羌沒郡下獄死扶感此遂絕志世外專精經典公府辟召皆不應人號爲

北郭先生太守謁煥先爲諸生從扶學後臨郡未到先遣吏修門人之禮

詩古微 卷首 韓詩傳授攷 古

後漢杜喬傳喬治韓詩

後漢方術傳下唐檀字子產豫章南昌人習韓詩官郎中後漢方術傳下公沙穆字文义北海膠東人習韓詩尤銳

思河洛推步之術居建成山中依林阻爲室官遼東屬國都尉

太平御覽引東觀漢紀陳寔字君期明韓詩時人語曰關東說詩陳君期

東觀漢紀曰尹勤事親至孝無有交游治韓詩

隋經籍志侯包著韓詩翼要十卷

蜀志杜瓊傳瓊字伯瑜蜀郡成都人後主時爲大鴻臚著

韓詩章句十餘萬言

魏志崔瑗傳瑗字季珪清河東武城人讀論語韓詩結公

孫方等就鄭康成受學爲中尉

吳志張紘傳紘字子綱廣陵人爲會稽都尉注事博士韓

歐陽尚書又于外黃濮陽後爲孫權長史

閻受韓詩禮記左氏春秋

隸釋廣漢屬國都尉丁魴碑魴字叔河治易韓詩垂意春

秋

中常侍樊安碑安字子仲南陽湖陽人治韓詩論語孝經

兼通記傳

從事武梁碑梁字綏宗治韓詩

詩古微

卷首 韓詩傳授攷

五

車騎將軍馮緄碑緄字皇卿治春秋嚴氏韓詩倉氏

郎中馬江碑江字元海通韓詩經

晉書儒林傳董景道字文博宏農人明韓詩精究大義隱

于商洛衣木葉食樹果彈琴歌嘯以自娛累徵不起

沈約集梁景字少景少習韓詩爲世通儒元嘉元年爲尚

書令

毛詩傳授攷

經典釋文引徐整云三國吳人子夏授高行子高行子授薛倉

子薛倉子授帛妙子帛妙子授河間人大毛公大毛公爲

詩敘訓傳于家以授趙人小毛公小毛公爲河間獻王博

十一云此見陸機草木蟲子夏授曾申曾申傳魏人李克

李克傳魯人孟仲子孟仲子傳根牟子根牟子傳趙人孫

卿子孫卿子傳魯人大毛公

漢書景十三王傳劉德景帝子河間王修學好古實事求

是其學舉六藝立毛氏詩諡曰獻

漢書儒林傳毛公趙人也治詩爲河間獻王博士授同國

賈長卿長卿授解延年延年爲阿武令授徐敖敖授九江

陳俠爲王莽講學大夫由是言毛詩者本之徐敖

後漢儒林傳衛宏字敬仲東海人也少與河南鄭興俱好

古學初九江謝曼卿善毛詩通爲其訓宏從曼卿受學因

詩古微

卷首 毛詩傳授攷

六

作毛詩序善得風雅之旨今傳于世後從大司空杜林更

受古文尚書爲作訓旨時濟南徐巡師事宏後從林受學

亦以儒顯由是古學大興光武以爲議郎宏作漢舊儀四

篇以載西京雜事又著賦頌誄七首皆傳于世中興後鄭

衆賈逵傳毛詩後馬融作毛詩傳鄭元作毛詩箋

後漢鄭興傳子衆字仲師河南開封人通易詩官大司農

後漢儒林傳言鄭

衆賈逵傳毛詩

後漢賈逵傳逵字景伯扶風平陵人曼卿弟子肅宗令撰

齊魯韓詩與毛同異爲侍中領騎都尉隋志有毛詩

後漢馬融傳融字季長扶風茂陵人從京兆摯恂學博通

經籍爲南郡太守作毛詩傳十卷

後漢鄭元傳元始學韓詩後善毛詩作毛詩箋微大司農

蜀志許慈傳慈字仁篤南陽人師學劉熙善鄭氏學治易

尚書三禮毛詩論語

蜀志李譔傳譔字欽仲梓潼涪人父仁字德賢與尹默俱

遊荊州從司馬徽宋忠學譔具傳其業著古文易尚書毛

詩三禮左氏傳太元指歸皆依準賈馬異于鄭氏與王氏

殊隔初不見其所述而意歸多同爲右中郎將延熙初爲

中散大夫

譔周傳注引華陽國志文立字廣休巴郡人治毛詩三禮

詩古微

卷首 毛詩傳授攷

七

兼通羣書官尚書晉書作巴郡臨江人

魏志王朗傳子肅字子雍東海人善賈馬之學而不好鄭

氏采會同異爲尚書詩論語三禮左氏解及撰定父朗所

作易傳皆列于學官其所論駁朝廷典制郊祀宗廟喪紀

輕重凡百餘篇時樂安孫炎受學鄭康成之門人稱東州

大儒徵爲秘書監不就肅集聖證論以譏短康成炎駁而

釋之炎作周易春秋例毛詩禮記春秋三傳國語爾雅諸

注又注書十餘篇肅有與鄭合注毛詩二十卷毛詩奏事

隋志毛詩駁一卷魏司空王基撰按基字伯輿東萊人康成弟子也

隋志毛詩義四卷毛詩箋傳是非二卷魏秘書劉瓛撰

隋志毛詩義問十卷魏太子文學劉楨撰按魏志東平劉楨字公幹

吳志諸葛瑾傳瑾字子瑜琅琊陽都人官大將軍注少游京師治

毛詩尚書

吳志韋昭傳昭字宏嗣吳郡雲陽人少好學孫休時爲博

士祭酒隋志昭作毛詩答問六卷作毛詩答問七卷與侍中宋育撰

隋志毛詩草木蟲魚疏二卷烏程令吳郡陸機撰按機當元恪仕太子中庶子

隋志毛詩譜三卷吳太常卿徐整撰又有舒援撰毛詩義疏二十卷不知何時

人

詩古微

卷首 毛詩傳授攷

六

晉書儒林傳虞喜字仲寧會稽餘姚人釋毛詩略注孝經

爲志林三十篇凡所注述數十萬言以散騎常侍徵不起

晉書謝沈傳沈字行思會稽山陰人博學多識明練經史

著毛詩行于世仕著作郎隋志有謝氏毛詩譜一卷毛詩譜義十卷又毛詩答問駁諸合

入卷義疏十卷毛詩謝沈注二十卷

晉書江統傳後江惇字思俊陳留圉人好學儒元並綜東

晉徵士釋文有江惇詩音

隋經籍志難孫氏毛詩評四卷表隱二卷徐州從事陳統

撰志又有毛詩義疏五卷張氏撰不知何人

隋經籍志毛詩雜義四卷晉江州刺史殷仲堪撰仲堪史亡其字